

徐
孝
穆
集

928

ジ

1





徐孝穆集
十卷

四部叢刊集部

上海涵芬樓景印明
屠隆合刻評點本原
書版匡高營造尺六
寸六分寬四寸七分

徐庾集序

詩家者流率以靡嫚歸之梁陳
以語於王褒江總輩絺章繪句
膚立者則可耳若徐僕射庾開
府竝誕瓊圃抽穎芝田徐固天
上之麒麟庾亦人間之鸞鷲氣

涵江漢名壓華崧以童子之科
居華貫之任陟鰲坡而視草游
鶴禁以談經的礫若明珠之耀
龍淵鬱葱若翡翠之戲蘭陟娟
倩若美女之舞交竿艷冶若名
花之笑金谷朝所吟詠紙價爲

之夕騰華所流傳雞林爲之泣
慕洵乎耦耕之玉環允矣藍田
之雙璧矣仙李盤根初唐最盛
應制遊覽諸作婉媚綺錯篆玉
雕金筋藏肉中法寓情內莫不
攄藻乎子山擷芳於孝穆故能


琳瑯一代卓冠當時曲江射洪
二君間以雅澹雖丰骨全出而
英翹少遜盛極蘊衰識者憾焉
且古今文人專詣者多兼工者
少有韻之詩與緣情之文勢難
兼舉淵雲之儔未聞壯長城於

五言屈宋之流未聞騁妙辯於
竹素而二公學該玉府之森藏
筆捲銀河而直上不但哀江南
一賦彪炳無前與遵彥之書婉
麗莫偶凡郊廟典章郵筒來往
恍如覲燕許之手筆逢僑肸之

序三
面談後有作者盡歸下風昔人
讀君山書如積猗頓之富今披
徐庾集有不入波斯之航也哉
故合而鉸之爲蕤苑之笙簧制
作之粉黼抑余尤有異焉物不
孤生必有其偶初唐曰沈宋而

昆明之篇沈不敵宋盛唐曰李
杜而岳陽之釋李不如杜二公
之詩文工力格局無不悉配真
宇宙人文一大結聚也以之作
延津之合夫誰不宜

東海屠隆題



徐陵本傳

唐散騎常侍姚思廉撰

徐陵字孝穆東海郟人也祖超之齊鬱林太守梁員外散騎常侍父摛梁戎昭將軍太子左衛卒贈侍中太子詹事諡貞子母臧氏嘗夢五色雲化而爲鳳集左肩上已而誕陵焉時寶誌上人者世稱其有道陵年數歲家人攜以候之寶誌手摩其頂曰天上石麒麟也光宅惠雲法師每嗟陵早成就謂之顏回八歲能屬文十二通莊老義旣長博涉史籍縱橫有口辯梁普通二年晉安王爲西平將軍寧蠻校尉父摛爲

徐陵本傳
王諮議王又引陵參寧蠻府軍事大通二年王立爲
皇太子東宮置學士陵充其選稍遷尚書度支郎出
爲上虞令御史中丞劉孝儀與陵先有隙風聞劾陵
在縣贓汙因坐免久之起爲南平王府行參軍遷通
直散騎侍郎梁簡文在東宮撰長春殿義記使陵爲
序又令於少傅府述所製莊子義尋遷鎮西湘東王
中記室參軍太清二年兼通直散騎常侍使魏魏人
授館宴賓是日甚熱其王客魏收嘲陵曰今日之熱
當由徐常侍來陵卽荅曰昔王肅至此爲魏始制禮

儀今我來聘使卿復知寒暑收大慙及侯景寇京師
陵父攜先在圍城之內陵不奉家信便蔬食布衣若
居憂恤會齊受魏禪梁元帝承制於江陵復通使於
齊陵累求復命終拘留不遣陵乃致書於僕射楊遵
彥竟不報書及江陵陷齊送貞陽侯蕭淵明爲梁嗣
乃遣陵隨還太尉王僧辯初拒境不納淵明往復致
書皆陵詞也及淵明之入僧辯得陵大喜接待餽遺
其禮甚優以陵爲尚書吏部郎掌詔誥其年高祖率
兵誅僧辯仍進討韋載時任約徐嗣徽乘虛襲石頭

陵感僧辯舊恩乃往赴約及約等平高祖釋陵不問尋以爲貞威將軍尚書左丞紹泰二年又使于齊還除給事黃門侍郎祕書監高祖受禪加散騎常侍左丞如故天嘉初除太府卿四年遷五兵尚書領大著作六年除散騎常侍御史中丞時安成王頊爲司空以帝弟之尊勢傾朝野直兵鮑叔獻假王威權抑塞辭訟大臣莫敢言者陵聞之乃爲奏彈導從南臺官屬引奏案而入世祖見陵服章嚴肅若不可犯爲歛容正坐陵進讀奏版時安成王殿上侍立仰視世祖

流汗失色陵遣殿中御史引王下殿遂劾免侍中中書監自此朝廷肅然天康元年遷吏部尚書領大著作陵以梁末以來選授多失其所於是提舉綱維綜覈名實時有冒進求官諠競不已者陵乃爲書宣示衆咸服焉時論比之毛玠廢帝卽位高宗入輔謀黜異志者引陵預其議高宗纂曆封建昌縣侯邑五百戶太建元年除尚書右僕射二年遷尚書左僕射陵抗表推周弘正王勳等高宗召陵入內殿曰卿何爲固辭此職而舉人乎陵曰周弘正從陛下西還舊藩

長史王勸太平相府長史張種帝鄉賢戚若選賢與
舊臣宐居後固辭累日高宗苦屬之陵乃奉詔及朝
議北伐高宗曰朕意已決卿可舉元帥衆議咸以中
權將軍淳于量位重共署推之陵獨曰不然吳明徹
家在淮左悉彼風俗將畧人才當今亦無過者於是
爭論累日不能決都官尚書裴忌曰臣同徐僕射陵
應聲曰非但明徹良將裴忌卽良副也是日詔明徹
爲大都督令忌監軍事遂克淮南數十州之地高宗
因置酒舉杯屬陵曰賞卿知人陵避席對曰定策出

自聖衷非臣之力也其年加侍中餘竝如故七年領
國子祭酒南徐州大中正以公事免侍中僕射尋加
侍中給扶又除領軍將軍八年加翌右將軍太子詹
事置佐史俄遷右光祿大夫餘竝如故十年重爲領
軍將軍尋遷安右將軍丹陽尹十三年爲中書監領
太子詹事給鼓吹一部侍中將軍右光祿中正如故
陵以年老累表求致仕高宗亦優之乃詔將作爲造
大齋令陵就第攝事後主卽位遷左光祿大夫太子
少傅餘如故至元年卒時年七十七詔曰慎終有典

抑乃舊章令德可甄諒宜追遠侍中安右將軍左光祿大夫太子少傅南徐州大中正建昌縣開國侯陵弱齡學尚登朝秀穎業高名輩文曰詞宗朕近歲承華特相引狎雖多目疾方期克壯奄然殞逝震悼于懷可贈鎮右將軍特進其侍中左光祿鼓吹侯如故并出舉哀喪事所須量加資給謚曰章陵器局深遠容止可觀性又清簡無所營樹祿俸與親族共之太建中食建昌邑戶送米至于水次陵親戚有貧賈者皆令取之數日便盡陵家尋致乏絕府僚恠而問

其故陵云我有車牛衣裳可賣餘家有可賣不其周給如此少而崇信釋教經論多所精解後王在東宮令陵講大品經義學名僧自遠雲集每講筵商較四座莫能與抗目有青睛時人以爲聰慧之相也自有陳創業文檄軍書及禪授詔策皆陵所製而九錫尤美爲一代文宗亦不以此矜物未嘗詆訶作者其於後進之徒接引無倦世祖高宗之世國家有大手筆皆陵草之其文頗變舊體緝裁巧密多有新意每一文出手好事者已傳寫成誦遂被之華夷家藏其本

後聞喪亂多散失存者三十卷有四子儉份儀傳
史臣曰徐孝穆挺五行之秀稟天地之靈聰明特達
籠罩今古及締構興王遭逢泰運位隆朝宰獻替謀
猷蓋亮直存矣孝克砥身厲行養親逾禮亦參閔之
志歟

徐孝穆集目錄

卷一

賦

鴛鴦賦

詩

日華

詠雪

詠柑子

山齋

長安道

洛陽道二首

劉生

關山月二首

出自薊北門行

長相思

宛轉歌

折楊柳

梅花落二首

紫騮馬

驄馬驅

山池應令

奉和山池

征虜亭送新安王應令

別毛尚書

秋日別庾正員

新亭送別

雜曲

侍宴

和賽漢高帝廟

春情

鬪雞

詠舞

隴頭水

中婦織流黃

烏栖曲二首

詠織婦

春望

春和簡文帝山齋

同江詹事登宮城南樓

卷二

聖書

梁禪陳璽書

陳高祖勅州郡璽書

冊命

陳公九錫文

詔

陳文帝登祚尊皇太后詔

始興王詔

進武帝為長城公詔

卷三

表

讓五兵尚書表

勸進元帝表

讓散騎常侍表

為王儀同致仕表

為始興王讓瑯琊二郡太守表

讓左僕射初表

讓右僕射初表

啓

成安王讓錄尚書表後啓

謝兒報坐事付治中啓

謝敕賚燭監賞荅齊國移文啓

謝敕賜祀三皇五帝餘饌啓

謝賚麈啓

謝賚蛤啓

謝東宮賚蛤蜊啓

謝赦賚烏賊啓

卷四

書

武皇帝作相時與嶺南酋豪書

與楊僕射書

與王僧辨書

卷五

書

與顧記室書

梁貞陽侯與王太尉僧辨書

爲王太尉僧辨荅貞陽侯書

梁貞陽侯荅王太尉書

荅諸求官人書

代梁貞陽侯與荀昂兄弟書

荅周主論和親書

卷六

書

梁貞陽侯重與王太尉書

王太尉僧辨荅貞陽侯書

梁貞陽侯與陳司空書

代陳司空荅書

梁貞陽侯重與裴之橫書

裴之橫荅書

貞陽侯荅王太尉書

為陳高祖與周宰相書

武皇帝作相時與北齊廣陵城主書

卷七

書

荅周處士書

荅族人梁東海太守長孺書

與李那書

報尹義尚書

在北齊與宗室書

與王吳郡僧智書

荅李願之書

與周家宰宇文護論邊境事書

與章司空昭達書

諫仁山深法師罷道書

與天台智者大師書

重與天台智者大師書

重與天台智者大師書

上智者法師書

卷八

頌

皇太子臨辟雍頌

銘

太極殿銘

麀尾銘

序

玉臺新詠序

移文

爲護軍長史王質移文

移齊文

檄文

檄周文

卷九

碑

徐州刺史侯安都德政碑

廣州刺史歐陽顧德政碑

晉陵太守王厲德政碑

孝義寺碑

齊國宋司徒寺碑

東陽雙林寺傅大士碑

天台山館徐則法師碑

長干寺衆食碑

丹陽上庸路碑

卷十

哀冊

陳文皇帝哀冊文

墓誌

司空河東康簡王墓誌銘

司空章昭達墓誌銘

裴使君墓誌銘

徐孝穆集目錄終

徐孝穆集卷一

陳郊徐陵著

明東海屠隆評

賦

鴛鴦賦

飛飛兮海濱，去去兮迎春。炎皇之季女，織素之佳人。未若宋玉之小史，含情而歎。憶少婦之生離，恨新婚之無子。既交頸於千年，亦相隨于萬里。山雞映水，那自得。孤鸞照鏡，不成雙。天下真成長，合會無勝比。翼兩鴛鴦，觀其哢吭。浮沈輕軀，澆滯拂荇。戲而波散，排

荷翻而水落。特訝鴛鴦鳥。長情真可念。許處勝人多。
何時肯相厭。聞道鴛鴦一鳥名。教人如有逐春情。不
見臨邛卓家女。祇為琴中作許聲。

詩

日華

雁蕩龍湫
日華搖曳
確是此景

朝暉爛曲池。夕照滿西陂。復有當晝景。江上鏤光儀。
時從高浪歇。乍逐細波移。一在雕梁上。詎比扶桑枝。

詠雪

摩詰大同
殿生玉芝
龍池上有
慶雲題全

瓊林玄圃葉。桂樹日南華。豈若天庭瑞。輕雪帶風斜。
三農喜盈尺。六出舞崇華。明朝闕門外。應見海神車。

詠甘子

學此格

朱實挺江南。苞品擅珍淑。上林雜嘉樹。江潭間修竹。

萬室擬封家。千株挺荆國。綠葉萋以布。素榮芬且郁。
得陳終宴歡。良垂雲雨育。

山齋

桃源驚往客。雀嶠斷來賓。復有風雲處。蕭條無俗人。
寒山微有雪。石路本無塵。竹徑朦朧巧。茅齋結構新。
燒香披道記。懸鏡壓山神。砌水何年溜。簷桐幾度春。
雲霞一已絕。寧辨漢將秦。

長安道

隨何妥鳳
轄魚文之

輦道乘雙闕。豪雄被五都。橫橋象天漢。法駕應坤圖。

詠不及遠
甚

洛陽道

韓康賣良藥。董偃鬻明珠。喧喧擁車騎。非但執金吾。
綠柳三春暗。紅塵百戲多。東門向金馬。南陌接銅駝。
乘軒翼葆吹。飛蓋響鳴珂。潘郎車欲滿。無奈擲如何。

其二

洛陽馳道上。春日起塵埃。濯龍望如水。河橋渡似雷。
聞珂知馬蹀。傍慢見堯開。相看不語密。意眼中來。

劉生

劉生殊倜儻。任俠遍京華。戚里驚鳴筑。平陽吹怨笳。

楊盈川劍
鋒馬足更

覺蟬噪

俗儒排石氏，新室是誰家。高才被擯，歷自古共憐嗟。

關山月

關山三五月，客子憶秦川。思婦高樓上，當牕應未眠。
星旗映疎勒，雲陣上祁連。戰氣今如此，從軍復幾年。

梁元帝作
終帶香奩
氣不若此
之壯渾

其二

月出柳城東，微雲掩復通。蒼茫紫白暈，蕭瑟帶長風。
羌兵燒上郡，胡騎獵雲中。將軍擁節起，戰士夜鳴弓。

出自薊北門行

薊北聊長望，黃昏心獨愁。燕然對古剎，代郡隱城樓。

秋雷快電
動見驚心

屢戰橋恒斷，長水塹不流。天雲如地陣，漢月帶胡秋。
乞土泥函谷，接繩縛涼州。平生燕領相，會自去封侯。

長相思

長相思，望歸難。傳聞更始戍樓蘭，龍城遠，雁門寒，愁
來瘦。轉劇衣帶自然寬，念君今不見，誰為抱腹看。

肇青蓮之
溢觴

宛轉歌

七夕天河白露明，八月濤水秋風驚。樓中恒聞哀曲
響，塘上復有苦辛行。不解何意悲秋氣，直置無秋悲
自生。不怨前階促織鳴，偏愁便路擣衣聲。別燕差池

嬌絕癡絕

自有返。離嬋寂莫詎含情。雲聚含情四望臺。月冷相思九重觀。欲題芍藥詩不成。來採芙蓉花已散。金樽送曲韓娥起。玉柱調絲楚妃勸。翠眉結恨不復開。寶鬢迎秋度前亂。湘妃拭淚洒貞筠。行樂翫花何處人。步步香飛金箔履。盈盈扇掩珊瑚唇。已言採桑期陌上。復能解珮就江濱。競入華堂耍花枕。爭開羽帳奉華茵。不惜獨眠前下鈎。欲許便作後來新。後來暝暝同匡床。可憐顏色無比方。誰能巧笑時窺井。乍取新聲舉遶梁。宿處留嬌墮黃珥。鏡前含笑弄明璫。卷施

柔風胸渙

摘心。心不盡。茱萸折葉。葉更芳。已聞能歌洞簫賦。詎是故愛邯鄲倡。

折楊柳

嫋嫋河堤樹。依依魏主營。江陵有舊曲。洛下作新聲。妾對長楊苑。君登高柳城。春還應共見。蕩子太無情。

梅花落

臘月正月早。驚春衆花未。發梅花新。可憐芬芳臨玉臺。朝攀晚折還復開。長安年少多輕薄。兩兩常唱梅花落。蒲酌金杯催玉柱。落梅樹下宜歌舞。金谷萬株

折楊柳工者多矣間有繁靡板採之句清新蕭洒獨讓此作

佳句乘風欲去

連綺薨梅花密處藏嬌罵桃李佳人欲相照摘葉牽
花來竝笑楊柳條青樓上輕梅花色白雲中明橫笛
短簫悽復切誰知栢梁聲不絕

其二

對戶一株梅新花屢發材鶯拾還蓮井風吹上鏡臺
倡家秋思妾樓上獨徘徊啼和竹葉錦笑罷未能裁

紫驪馬

玉銜繡纏紫金鞍錦覆幪風驚塵未起草淺埽猶空
角弓連兩兔珠彈落雙鴻日斜馳逐罷連翩還上東

唐朝四傑
之祖補簡
文不及也

驄馬驅

白馬號龍駒雕鞍名鏤衝諸凡二千石小婦字羅敷
倚端輕掃史召募繁休屠塞外多風雪城中絕詔書
空憶長楸下連蹠復連蹠

山池應令

畫舸圖仙獸飛艇挂采旂榜人事輕漿約女理銀鈎
細萍時帶楫低荷乍入舟猿啼知谷晚蟬思覺山秋

奉和山池

羅浮無定所鬱鳥屢遷移不覺因風雨何時入後池

樓臺非一勢。臨玩自多奇。雲生對戶石。猿掛入欄枝。

征虜亭送新安王應令

鳳吹臨南浦。神駕餞東平。亭迴漳水乘。旆轉洛濱笙。
地凍斑輪響。風嚴羽蓋輕。燒田雲色暗。古樹雪花明。
岐路一迴首。流襟動睿情。

別毛尚書

顧子厲風規。歸來振羽儀。嗟余今老病。此別畏長離。
白馬君來哭。黃泉我詎知。徒勞脫寶劍。空掛隴頭枝。

秋日別庾正員

憐然

妙在陵字
送字

征途愁轉旆。連騎憐停鑣。朔氣陵疎木。江風送上潮。
青雀離帆遠。朱鳶別路遙。唯有當秋月。夜夜止河橋。

新亭送別

風吹臨伊水。時駕出河梁。野燎村田黑。江秋岸荻黃。
隔機聞上鼓。回舟隱去檣。神襟愛遠別。流涕極清漳。

寫得點淡

雜曲

傾城得意已無儔。洞房連閣未消愁。宮中本造鴛鴦
殿。爲誰新起鳳凰樓。綠黛紅顏兩相發。千嬌百態情
無歇。舞衫回袖勝春風。歌扇當牕似秋月。碧玉宮妓

自翩妍絳樹新聲最可憐。張星舊在天河上。從來張

姓本連天。二八年時不憂度。傍邊得寵誰相妬。立春

曆日自當新。正月春幡底舊故。流蘇錦帳挂香囊。織

成羅幔隱燈光。祇應私將虎珀枕。暝暝來上珊瑚床。

侍宴

園林才有熱。夏淺更勝春。嫩竹猶含粉。初荷未聚塵。

承恩與下席。應阮獨何人。

和賽漢高帝廟

山宮類牛首。漢寢若龍川。玉梳無秋耐。金燈滅夜烟。

依事融化

丹帷追靈岳。紺席下羣仙。堂空沖筑響。銀低成舞筵。

何殊后廟裏。子建作華篇。

春情

風光今日動。雪色故年殘。薄夜迎新節。當爐却晚寒。

故香分細霧。石炭擣輕紈。竹葉裁衣帶。梅花奠酒盤。

年芳袖裏出。春色黛中安。欲知迷下蔡。先將過上蘭。

鬪雞

李子聊爲戲。陳王欲聘才。花冠已衝力。金爪復驚媒。

鬪鳳羞衣錦。雙鷺耻鏡臺。陳倉若有信。爲覓寶雞來。

格局微乖

整栗全以

嫵媚動人

字字貼切

却不粘帶

詠舞

十五屬平陽。因來入建章。主家能教舞。城中巧畫粧。
天然秀麗。低鬟向綺席。舉袖拂花黃。燭送空邊影。衫傳篋裏香。
當由好留客。故作舞衣長。

隴頭水

別途聳千仞。離川懸百丈。攢荆夏不通。積雪冬難上。
枝交隴底暗。石礙波前響。迴首咸陽中。唯言往時夢。

中婦織流黃

落花還井上。春機當戶前。帶衫行障口。覓鉏枕檀邊。

不說鳴咽而鳴咽之景畢具

與梁元帝作並美但

彼作愁怨語此作思憶語微不同耳

烏棲曲

數編經無亂。新漿緯易牽。蜘蛛夜伴織。百舌曉驚眠。
封用黎陽土。書因計吏船。欲知夫婿處。今督水衡錢。

其二

卓女紅妝期此夜。胡姬沽酒誰論價。風流荀令好兒郎。
偏能傅粉復薰香。

太白固為悽愴而含情設色精墨之光欲流固讓此老

詠織婦

繡帳羅帷隱燈燭。一夜千年猶不足。唯憎無賴汝南雞。
天河未落猶爭啼。

青蓮全用
此句

纖纖運玉指。脈脈正蛾眉。振鐻開交縷。停梭續斷絲。
簷前初日照。洞戶未垂帷。弄機行掩淚。彌令織素遲。
春望
岸烟起暮色。岸水帶斜暉。逕狹橫枝度。簾搖鶯燕飛。
落花承步履。流澗寫行衣。何殊九芝盡。薄暮洞庭歸。
奉和簡文帝山齋
架嶺承金闕。飛橋對石梁。竹密山齋冷。荷開水殿香。
山花臨舞席。水影照歌粧。

同江詹事登宮城南樓

元良居上德。率土被中孚。漢幄朝無怠。周門夕復趨。
桓經既受業。賀拜且尊儒。壯志諾風雅。高文會斗樞。
鏗鏘叶舞蹈。熠燿等琨瑜。溝水慙雄伯。漳川仰大巫。
鮑魚寧入俎。鈞鼈匪充厨。叔譽恒詞屈。防年豈濫誅。

詩

徐孝穆集卷一終

徐孝穆集卷二

陳邨徐陵著

明東海屠隆評

聖書

梁禪陳聖書

君子者。自昭明德。達人者。先天弗違。故能進退咸亨。
 動靜元吉。朕雖蒙寡。庶乎景行。何則。三才剖判。九有
 區分。情性相乖。亂離云起。是以建彼司牧。推乎聖賢。
 授受者。任其時來。皇王者。本非一族。人謀是與。屈已
 從萬物之心。天意斯歸。鞠躬奉百靈之命。謳歌所往。

如帝紀之
 籠百事如
 亂象之包
 六爻

則攘袂以膺之。菁華已竭。乃塞裳而去之。昔在唐虞。鑒於天道。舉其黎獻。授彼明哲。雖復質文殊軌。沿革不同。歷代因循。斯風靡替。我大梁所以考庸太室。接禮貳宮。月正元日。受終文祖。但運不常。夷道無恒。泰山嶽傾。偃。河海沸騰。電目雷聲之禽。鉤爪鋸牙之獸。咀齧含生。不知紀極。二后英聖。相仍在天。六夷貪狡。爭侵中國。縣王都。帝人懷干紀。一民尺土。皆非梁地。朕以不造。幼罹閔凶。仰憑衡佐。亟移年序。周成漢惠。邈矣無階。惟是童蒙。必貽顛蹙。若使時無聖哲。世靡。

艱難猶當高蹈于滄洲。自求於泰伯者矣。惟王應期誕秀。開籙握圖。性道故其難聞。嘉庸以其被物。乾行同其燾覆。日馭比其貞明。登承聖於復禹之功。樹勳子於興周之業。滅陸渾於伊洛。殲驪戎於鎬京。大小二震之驍徒。東南兩越之勍寇。遠行天討。無遺神策。仁霑葭葦。信及豚魚。殷鑒斯空。夏臺虛設。民惟大畜。野有同人。加以雲飛紫蓋。水躍黃龍。東伐西征。掩映川陸。榮光曖曖。已冒墟塵。甘露漉漉。亟流庭苑。車轍馬跡。誰不率從。踏水流沙。誰不懷德。祥圖遠至。非唯。

赤伏之符靈命昭然。何止黃星之氣。且自攝提無紀。孟陬殄滅。枉矢宵飛。天弧曉映。久矣夷羊之在牧時。哉。破龍之出泉。革運之兆成。徵惟新之符。並集朕以。欽若助華。屢回星瑋。昔者木運斯盡。予高祖受焉。今。歷去炎精。神歸樞紐。故以火德傳於爾陳。遠鑒前王。近謀羣辟。明靈有悅。率土同心。今遣使持節兼太保。侍中尚書左僕射平樂亭侯王通兼太尉司徒左長。史王瑒奉皇帝璽綬受終之禮。一依唐虞故事。王其。時陝元后。寧育兆民。光闡洪猷。以承昊天之命。

陳高祖勅州郡璽書

典重

夫四王革代。商周所以應天。五勝相推。軒義所以當運。梁德不造。喪亂積年。東夏崩騰。西都蕩覆。蕭勃干紀。非唯趙倫。侯景滔天。踰於劉載。貞陽反。募賊約連。兵。江左累屬於鮮卑。金陵久非於梁國。有自氣氤混。池之世。龍圖鳳紀之前。東漢興平之初。西朝永嘉之亂。天下分崩。未有若於梁朝者也。朕以虛薄。屬當典運。自昔登庸。首清諸越。徐門浪泊。靡不征行。浮海乘山。所在戡定。目愬風塵。聘馳師旅。六延梁祀。十翦彊

華綽可敵
蔚宗

寫出玉宇
光華百靈
欣慶之意
如金在鎔
熠燿不定

寇豈曰人謀。皆由天啓。梁氏以天祿斯改。期運永終。
欽若唐虞。推其鼎玉。朕東西退讓。拜手陳辭。避舜子
於箕山之陽。求支伯於滄洲之野。而公卿敦逼。率土
翹惶。天命難稽。遂享嘉祚。今月乙亥。升禮太壇。言念
遷桐。但有慙德。自梁氏將未。頻月亢陽。火運斯終。秋
霖奄降。翼日成禮。圓丘宿設。埃雲晚霽。星象夜張。朝
景重輪。法三危之膏露。晨光合璧。帶五色之卿雲。顧
惟寡薄。彌慙休祉。昧且不顯。方思至治。卿等擁旄。方
岳。相任股肱。剖符名字。方寄恤隱。玉曆惟新。念有欣

慶。想深求民瘼。務在廉平。愛惠以撫孤貧。威刑以禦
疆猾。若有萑蒲之盜。或犯戎商。山谷之酋。擅疆幽險。
皆從肆赦。咸使知聞。如或迷途。俾在無貸。今遣使人。
具宣往旨。念思善政。副此虛懷。

冊命

陳公九錫文

大哉乾元。資日月以貞觀。至哉坤元。憑山川以載物。
故惟天爲大。陟配者欽明。惟王建國。翼輔者齊聖。是
以文武之佐。磻溪蘊其玉璜。堯舜之臣。涑河鏤其金

版。况乎體得一之鴻姿。寧陽九之危厄。拯橫浦於碣石。撲燎火於崑岑。驅馭於韋彭。跨蹶於秦晉。神功行而靡用。聖道用而無名者乎。今將授公典策。其敬聽朕命。日者昊天不弔。鍾亂於我國家。網漏吞舟。彊胡內鼎。茫茫宇宙。慄慄黎元。方足圓顛。萬不遺一。太清否亢。橋山之痛已深。大寶屯如。平陽之禍相繼。上宰膺運。康救兆民。鞠旅於滇池之南。揚旌於桂嶺之北。懸三光於已墜。謚四海於群飛。屠猥偷於中原。斲鯨鯢於濛汜。蕩寧上國。光啓中典。此則公之大造於皇

珊瑚爲枕
琉璃爲牆
壁水精爲
柱礎不過
如此

家者也。既而天未悔禍。夷醜薦臻。南夏崩騰。西京蕩覆。羣胡孔熾。藉亂乘間。推納藩枝。盜假神器。冢司昏撓。旁引寇讐。既見貶於桐宮。方謀危於漢閣。皇運已殆。何殊贅旒。中國搖然。非徒如綫。公赫然投袂。匡救本朝。復莒齊都。平戎王室。朕所以還膺寶歷。重履宸居。挹建武之風猷。訶宣王之雅頌。此又公之再造於皇家者也。公應務之初。登庸惟始。三川五嶺。莫不窺臨。銀洞珠宮。所在寧謐。孫盧肇釁。越貊爲災。番部陸危。勢將淪殄。公赤旗所指。祆壘洞開。白羽纔搗。兇徒

未必能廓
定四海混
一華戎特
鋪張之體
宜爾

粉潰非其神武。久喪南藩。此又公之功也。大同之末。
邊政不修。李賁狂迷。竊我交愛。敢稱大號。驕恣甚於
尉陀。據有連州。雄豪熾於梁碩。公英譽雄。美電掃風。
行馳御樓船。直跨滄海。新昌典徹。備履艱難。蘇歷嘉
寧。盡爲京觀。三山獠洞。八角蠻陬。逃矣。水寓之鄉。悠
哉。火山之國。馬援之所不屆。陶璜之所未聞。莫不懼
我王靈。爭朝邊候。歸琛天府。獻狀鴻臚。此又公之功
也。自寇虜陵江。官闈幽辱。公枕戈嘗膽。提劍撫心。氣
涌青霄。神飛紫闥。而番禺連率。本自諸夷。言得其朋。

是懷同惡。公仗此忠誠。乘機勦定。執沛令而擗鼓。平
新野而據鞍。此又公之功也。世道初艱。方隅多難。勲
門桀黠。作亂衡嶷。兵切池隍。衆兼夷獠。公以國盜邊
警。知無不爲。卹是同盟。誅其醜類。莫不魚驚鳥散。面
縛頭懸。南土黔黎。重保蘇息。此又公之功也。長驅嶺
嶠。夢想京畿。緣道首豪。遞爲榛梗。路養渠率。全據大
都。蓄聚逋逃。方謀阻亂。百樓不戰。雲梯之所未窺。萬
弩齊張。高輶之所非敵。公龍驤虎步。嘯吒風雲。山靡
堅城。野無疆陣。清妖氛於瀨石。滅沴氣於雩都。此又

公之功也。遷任凶匪屯據大阜之活類馬騰之軍流
民多杜毀之衆推鋒轉鬪自北徂南頻歲稽誅實惟
勅虜公坐揮三畧選制六奇義勇同心脫跡矚力雷
奔電擊谷靜山空列郡無犬吠之驚業祠罷狐鳴之
盜此又公之功也。王師討虜次屆淪波兵之兼儲士
有饑色公回麾鱗澤積穀巴丘億庾之詠斯豐壺漿
之迎是衆軍民轉漕曾無砥柱之難艫舳相望如運
敖倉之府犀渠貝冑顧茂雷霆高艦層樓仰捫霄漢
故使三軍勇銳百戰無前承此兵糧遂殄兇逆此又

公之功也。若夫英圖邁俗義旅如雲溢壘猜攜用淹
戎略公志唯同獎師克在和鶴塞非虞鴻門是會若
晉侯之誓白水如蕭王之推赤心屈禮交盟人祗感
咽故使舟師並路遠邇同心此又公之功也。姑熟襟
要嶠函阻憑寇虜據其關梁大盜負其扁鑄公一枝
裁馮三雄並奮左賢右角沙潰土崩木甲燼於中原
擅裴赴於江水他藉藉萬計干群鄂坂之隘斯開
夷庚之道無塞此又公之功也。義軍大衆俱集帝京
逆豎兇徒猶屯皇邑若夫表裏山河金湯嶮固疏龍

取材於上
林羽獵

首以抗殿。榆華嶽以爲城。雜虜憑焉。強兵自若。公回
茲地軸。抗此天羅。曾不崇朝。俾無遺噍。軍容甚穆。國
政方修。物重覲於衣冠。民還瞻於禮樂。楚人滿道。爭
覲於葉。公漢老銜悲。俱覲於司隸。此又公之功也。內
難初靖。諸侯出關。外郡傳烽。鮮卑犯塞。莫非且渠當
戶。中貴明王。冀馬列於淮南。胡笳動於徐北。公舟師
步甲。亘野橫江。殲厥群羝。遂殫封豨。莫不桂木而止。
戎車靡遺。遇濤而旋。歸驂盡殪。此又公之功也。公克
黜禍難。劬勞皇室。而孫寯之黨。翻啓狄心。伊洛之間。

點綴左傳
如落花依
草

咸爲虜虜。雖金陵佳氣。石壘天嚴。朝聞戎塵。夜喧胡
鼓。公三籌旣畫。八陣斯張。裁舉靈旗。亦抽金僕。咸俘
醜類。悉反高墉。異李廣之皆誅。同龐元之盡赦。此又
公之功也。任約叛渙。梟聲不悅。戎羯貪婪。狼心無改。
穹廬瓊幕。抵北闕而爲營。烏孫天馬。指東都而成陣。
公左甄右落箕。張翼舒掃。是攬槍驅其獫狁。長狄之
種。埋於國門。椎髻之首。烹於軍市。投秦坑而盡沸。噎
灘水而不流。此又公之功也。一相居中。自折彘鼎。五
湖小守。妄懷同惡。公夙駕兼道。秉羽杖戈。玉斧將揮。

殊形詭類
紛集筆端

金鉦且戒。祇酋震懾。遠請灰釘。焚櫬以表其舍。弘焚書以安其反側。此又公之功也。賊兪兇橫。陵虐具區。阻兵安忍。憑災怙亂。自古蟲言鳥跡。混沌洪荒。凡或虔劉。未此殘酷。公雖宗居汝潁。世寓東南。育聖誕賢之鄉。含章挺生之地。眷言桑梓。公私憤切。卓爾英狀。承規奉算。戮此大憝。如烹小鮮。此又公之功也。亂離永久。羣盜孔多。浙左兇渠。連兵構逆。豈止千兵五校。白雀黃龍。已哉。公以中軍無率。選是親賢。奸寇途窮。漼然冰泮。刑。澹之所。文命動其大威。雷門之間。勾踐。

行其嚴。戮英規聖跡。異代同風。此又公之功也。同姓有扈。頑兇不賓。憑藉宗盟。圖危社稷。觀兵滙澤。勢震京師。驅率南蠻。已爲東帝。公論兵於廟堂之上。決勝於尊俎之間。寇賈樊滕。浮江下瀨。一朝擗撲。無待旬師。萬里澄清。非勞新息。此又公之功也。豫章祇冠。依憑山澤。繕甲完聚。各歷歲時。結從連橫。爰泊交廣。呂嘉旣獲。吳濞已縱。命我還師。征其不恪。連營盡拔。僞黨斯擒。曜聖武於匡山。回神旌於蠡派。此又公之功也。自八紘九野。瓜剖豆分。竊帝偷王。連州比縣。公武

靈已暢。文德又宣。折簡馳書。風猷斯遠。至於蒼蒼浴日。杳杳無雷。北洎丈夫之鄉。南踰女子之國。莫不屈膝膜拜。求吏欵關。此又公之功也。京師禍亂。亟積寒暄。雙闕低昂。九門寥豁。寧秦宮之可顧。豈魯殿之猶存。五都簪弁。百僚卿士。胡服縵成。爲戎俗。高冠厚履。希復華風。宋微子麥稷之歌。周大夫黍離之歎。方之於斯。未足爲悲矣。公求衣昧旦。具食高春。典構宮闈。具瞻遐邇。膠庠宗稷之典。六符十等之章。還聞太史之風流。重覩永平之遺事。此又公之功也。公有濟

天下之勲。重之以明德。凝神體道。合德符天。用百姓以爲心。隨萬機而成務。耻一物非唐虞之民。歸含靈於仁壽之域。上德不德。無爲以爲。夏長春生。顯仁藏用。忠信爲寶。風雨弗憊。仁惠爲基。牛羊勿踐。功成治定。樂奏咸雲。安上治民。禮兼文質。物色丘園。衣裾里巷。朝多君子。野無遺賢。菽粟同水火之饒。工商富倚頓之旅。是以天無蘊寶。地有呈祥。雨露卿雲。朝團曉映。山車澤馬。服馭登閑。旣景煥於圖書。方歲蕤於史牒。高勲踰於象緯。積德冠於嵩華。固無得而稱者矣。

藻色覆披
堪入雪兒
歌咏

朕又聞之。前王宰世。茂賞尊賢。式樹蕃長。總征羣伯。
二南崇絕。四履遐曠。泱泱表海。祚土維齊。巖巖泰山。
俾侯於魯。抑又勤王。反鄭夾輔。遷周召伯之命。斯隆。
河陽之禮。咸備。况復經營宇宙。寧唯斷鱉足之功。弘。
濟蒼生。非直鑿龍門之嶮。而疇庸報德。寂爾無聞。朕。
所以垂拱當寧。載懷慙悸者也。今授公相國。以南豫。
州之陳留。南丹陽宣城。揚州之吳興東陽新安新寧。
南徐州之義興江州之鄱陽臨川十郡。封公爲陳公。
錫茲青土。苴以白茅。爰定爾邦。用建冢社。昔旦奭分。

陝。俱爲保師。晉鄭諸侯。咸作卿士。兼其內外。禮實攸。
宜。今命使持節兼太尉王通。授相國印綬。陳公璽紱。
使持節兼司空王瑒。授陳公茅土金獸符。第一至第。
五。左竹使符。第一至第十。相國秩踰三鉉。任總百司。
位絕朝班。禮由事革。其以相國總百揆。除錄尚書之。
號。上所假節侍中貂蟬。中書監印章。中外都督太傅。
印綬。義興公印策。其鎮衛大將軍揚州牧如故。又加。
公九錫。其敬聽後命。以公禮爲楨幹。律等銜策。四維。
皆舉。八柄有章。是用錫公大輅戎輅各一。玄牡二駟。

以公賤寶崇穀。疏爵待農。室富京坻。民知榮辱。是用
錫公衮冕之服。赤舄副馬。以公調理陰陽。燮諧風雅。
三靈允降。萬國同和。是用錫公軒縣之樂。六佾之舞。
以公宣導王猷。弘闡風教。光景所照。觀象必通。是用
錫公朱戶以居。以公抑揚清濁。褒德進賢。髦士盈朝。
幽人虛谷。是用錫公納陛以登。以公嶷然廊廟。爲世
鎔範。折衝四表。臨御八荒。是用錫公武賁之士三百。
人以公執茲明罰。期在刑措。象恭無赦。干紀必誅。是
用錫公斧鉞各一。以公英猷遠量。跨厲嵩溟。抱一車

書。括囊寰宇。是用錫公彤弓一。彤矢百。旅弓十。旅矢
千。以公天經地義。貫徹幽明。春露秋霜。允恭柔盛。是
用錫公秬鬯一卣。圭瓚副馬。陳國置丞相以下。一遵
舊式。往欽哉。其恭循朕命。克相皇天。弘建邦家。允興
洪業。以光我高祖之休命。

詔

陳文帝登祚尊皇太后詔

朕以虛薄。才非弘濟。竊守藩維。常懼盈滿。豈圖蒼昊
不弔。國步艱難。皇嗣元良。藐在峭涓。二臣奉迎。川塗

靡從六傳還朝。淹留未日。令國無主。家業事隆。上奉父母之嚴規。下逼羣公之廷諍。遂以庸質。升纂帝基。對揚大化。彌增號懼。今宜式遵舊則。奉上皇后尊號。爲皇太后。御慈訓宮。一依前典。若中流靜晏。皇嗣歸來。輒當解紱於箕山之陽。歸老于瑯琊之國。復子明辟。還承寶圖。若問與夷。無媿園寢。

詞並阮策
諷諫自別

始興王詔

漢祖天倫。伯叔追封。晉元世系。瑯琊傳國。仰惟二后。重光率由前典。朕昔因藩次。蒙繼本宗。分在要荒。久

離寒煥。天嘉紹祚。別命皇枝。歸自嶠函。禮隔登獻。每至霜庭。可履矚垣。寢而懷悲。風樹鳴條。望章陵而增感。今嗣王垂德。獲罪慈訓。永言主奠。宜自朕躬。但國步時艱。皇基務切。復奉家業。升纂帝圖。重建情理。言深哽慟。可以第二皇子。升陵爲始興王。

進武帝爲長城公詔

德懋懋官。功懋懋賞。皇王盛則。所謂元龜。司空公南徐州刺史。長城縣開國侯。諱志懷。寅亮風度。弘遠體文。經武明允。篤誠曩者。率五嶺之疆兵。誅四海之

警敵固以勒功。彝鼎書勲。太常克定。京師勤勞。自重
自鎮。撫枌榆。永寧豐沛。東涼既息。北蔡無歸。代馬燕
犀。氣雄天下。裹糧坐甲。固敵是求。方欲大討於秦。峭
敦修於與睦。叶謀上相。爰納朕躬。思所以敬答忠勲。
用申朝典。可進爵爲長城縣公。

徐孝穆集卷二終

徐孝穆集卷三

陳郊徐陵著

明東海屠隆評

表

讓五兵尚書表

臣聞仲尼大聖。猶云書不盡言。士衡高才。嘗稱文不
逮意。臣比哀病日積。思緒茫然。頻託朋游。爲裁章表。
雖復陳琳健筆。未盡愚懷。孫惠詞人。頗加煩飾。所以
高天緬邈。弗降昭回。瞻拜絲綸。更增憂憊。臣雖不敏。
弱冠登朝。伊言承華。豫遊多士。晚逢典運。爰濫寵私。

於五兵貼
切絕不支
蔓

莊嚴

爾時四郊多壘。七雄分爭。國家制度。日不暇給。趙官
論受命之宜。隨邑奏升壇之禮。而參聞秘計。弗解單
于之兵。飛箭馳書。未動聊城之將。不期枚乘老叟。忽
降時恩。馮唐暮年。見申明主。擢宰京邑。朝坐棘林。遂
致洛陽無雨。非比長安多盜。其宜屏錮。用寘嚴科。猶
處名僚。又為叨竊。但著書天祿。雖如劉向。朔望登朝。
轉同王隱。於其朽劣。尚可從容。司會文昌。邈然非據。

勸進元帝表

封唐有聖。還承帝譽之家。居代維賢。終慕高皇之祚。

總是天與
人歸出得
美麗

無為稱於華鳥。至治表於垂衣。而撥亂反正。非聞前
古。至如金行重作。源出東筦。炎運猶昌。枝分南頓。豈
得掩顯姓於軒轅。非才子於顓頊。莫不因時多難。俱
繼神宗者也。伏惟陛下。出震等於助華。鳴謙同於日
爽。握袞秉鉞。將在御天。玉騰珠衡。先彰元后。神祇所
合。非惟太室之祥。圖謀斯歸。何止堯門之瑞。若夫大
孝聖人之心。中庸君子之德。固以作訓生民。貽風多
士。一日二日。研覽萬機。允文允武。包羅羣藝。擬茲三
大。賓是四門。歷試諸艱。咸熙庶績。斯無間而稱也。自

無妄爲象。鍾禍上京。梟獍虔劉。宗社蕩墜。嶙頭餓額。
興暴皇年。封豨修蛇。行災中國。靈心所宅。下武其興。
望紫極而行號。瞻丹陵而殞慟。家克將報。天賜黃鳥。
之旗。國害宜誅。神奉玄狐之錄。尅李軾於河津。征陶
謙於海岱。滕公擁樹。雄氣方嚴。張繡交兵。風神彌勇。
忠誠貫於日月。孝義感於冰霜。如雷如霆。非貔非虎。
前驅致命。元惡斯殲。旣挂膽於西州。方焚臍於東市。
蚩尤三塚。寧謂嚴誅。王莽千朝。非云明罰。青羌赤狄。
同界狼豺。胡服夷言。咸爲京觀。邦畿濟濟。還見隆平。

宗祀惜惜。方承多福。自氛氲渾沌之世。驪連栗陸之
君。卦起龍圖。文因鳥跡。雲師火帝。非無戰陣之風。堯
誓湯征。咸用干戈之道。星曜東井。時破峭潼。雷震南
陽。初平尋邑。未有援三靈之已墜。救四海之羣飛。赫
赫明明。龔行天罰。如當今之盛者也。於是卿雲似蓋。
晨映姚鄉。甘露如珠。朝垂原寢。芝房感德。咸出銅池。
莫羨同辰。無勞銀箭。重以東漸玄菟。西踰白狼。高柳
生風。扶桑銜日。莫不編名屬國。歸貢馮臚。荒服來賓。
遐邇同慶。其文昭武。穆附夢也。如彼天平地。成功業

也如此。又應旁求掌故。詢詔天官。斟酌繁昌。經營高
邑。宗王啟霸。非勞五德之侯。清蹕無虞。何事長安之
邸。揚龍旂以饗帝。御鳳展以承天。曆數在躬。疇咨爲
讓。某官等至鄴。伏承聖旨。謙冲爲而不宰。或云洛陽
未復。函谷無泥。旋駕金陵。方膺天賚。愚謂大庭少昊。
非有定居。漢祖殷宗。皆無恒宅。登封岱嶽。且署明堂。
巡狩荊州。時行司隸。何必西瞻虎踞。乃建王宮。南望
牛頭。方稱天闕。抑又聞之。玄珪旣錫。蒼玉無陳。乃械
樸之愆期。非苞茅之不貢。雲和之瑟。久廢甘泉。孤竹

鶴藻妍華
驪珠盈于
楮上

之管。無聞方澤。豈不懼歟。伏願陛下。因百姓之心。振
萬邦之命。豈可逡巡固讓。方示石戶之農。高謝爲君。
徒弘箕山之客。未知上德之不德。惟見聖人之不仁。
率土翹瞻。蒼生何望。昔蘇季張儀。違鄉負俗。尚復招
三方以事趙。請六國以尊秦。况臣等預奉皇華。親承
朝命。珪璋特達。通聘河陽。貂珥雍容。尋盟浞水。加牢
貶館。隨世汗隆。瞻望鄉關。誠均休戚。但輕生不造。命
與時乖。等一介之行人。同三危之遠擯。承間內殿。事
絕耿弇之因封。奏邊城私等劉琨之哭。

留滯周南
同太史公
之恨雖勤
進而神情
彌增

讓散騎常侍表

臣聞五十知命。宗師之格言。六百辭滿。通賢之高槩。
 昔墨子諸生。寒裳救楚。魯連隱士。高論却秦。况乎謬
 蒙知已。寧無感激。洪私過談。真以通班。司憲文昌。遂
 諧常伯。今者昆吾小器。諦視不見。玄黃鈞天。竝奏靜
 聽。能聞鍾鼓。雖神農分藥。岐伯提針。冥衆因緣。難可
 匡救。陛下嗣臨寶曆。光闡大猷。屬意銓衡。留情標楨。
 燕臺裝玉。儻不精真。齊客吹竽。諒宜澄簡。南郊奉乘。
 當求鄭默之才。西省文辭。應用羅含之學。

為王儀同致仕表

尺波歸海。恒嘆不居。樹火為薪。猶悲假續。况復星迴
 日薄。通人有乞老之言。鐘鳴漏盡。前史有夜行之誠。
 五陵島族。家傳軒冕。四姓卿侯。榮由恩澤。虛名靡實。
 世官非才。年力方強。不能辭退。今三元肇慶。六呂司
 春。得奉萬壽之盃。豫參百辟之禮。便釋朝衣。謹遵初
 服。同孔光之杖。載游戶庭。比廣德之車。方懸私館。

為始興王讓瑯琊二郡太守表

南離懷袖。裁脫綺紉。適荷隆私。使膺珪組。執玉不起。

哀辭館語
如於漸離
之筑

樞衣未勝自甘泉通火細柳屯兵旁帶戎臣頗同疆
場言瞻漢草廼曰中州遙望胡桑已成邊郡誠復居
藩體國應思馬駿之功論地惟親宜慕蕭彭之勇

讓左僕射初表

叔子讓開
府表同一
機括

臣聞七十之歲揚雄擬經六十之年平津對策若斯
強壯無歎耆老臣勵則胄華軒冕才允卿相出納流
譽朝野具瞻臣弘正國老儒宗情尚虛簡玄風勝業
獨王當年臣重器懷沈密文史優裕東南貴秀朝廷
親賢並見壯猷皆宜左執若漢武好少而微臣已老

若周文愛老則有此羣才伏願天明更謀梓匠求其
妙選稱是能官

讓右僕射初表

因作受禪
文而受有
僕射行文
字字與實
工於相題

加以言尋盟好仍屬亂離先零盜其牛馬烏孫竊其
印綬子卿茹雪叔向為國雖復東歸備雁此厄昔李
廣遺恨不值漢初甯戚自悲不逢堯禪臣隨望聖運
實在權輿時參決勝之籌頗奏發兵之議當塗錫舍
非無董昭之誠典午禪文不降張華之實

啓

安成王讓錄尚書表後啓

臣間聞平就國乃盛漢之常儀。邨霍無官實宗周之
明典。何則。皇季之重。非待歷階王爵之隆。自高羣辟。
况臣戢翼。要荒。亟離寒暑。進慙趙勝。能定楚從。退匪

出之自然

齊文馳免。秦厄固以內切。皇心外貽。家恥甘輸。重餌
降禮。單于迺城十五。如諸和壁。市鄉三十。聊同寶劍。
武夫力而獲。諸原微。臣還而反。諸敵膽。言馬駿。著隴
右之功。追念曹彰。克烏丸之虜。前王子弟。若此勲庸。

徂事稔集 卷三
偏其反而豈可勝愧。

謝兒報坐事付治中啓

夫拾金樵路高士所羞。整冠下。君子斯慎。見報不
難移接味。櫛字堅而
能謹潔。敢觸嚴網。右趾鐵繫。事允法科。左投論輸實。
由恩宥。老臣過庭之訓。多謝古賢折筭之杖。有愧前

達。

謝敕賚燭監賞答齊國移文啓

昔班彪草移阮瑀裁書。馳譽當年。遂無加賞。非常大
賚。始自今恩。雖賈逵之頌。神雀寶飯之對。鼯鼠漢臣

語。言條暢
與蓋卽止

射覆之言。魏士投壺之賦。方其寵錫。獨有光前。官燭

斯燃。更慙良吏。霄光可學。乃會耆年。臣職居南史。身

典東觀。謹述私榮。傳之方策。

謝勅賜祀三皇五帝餘饌啓

竊以甘泉之殿。舊禮義農長樂之宮。本圖堯舜。自東

京晚世。曠代無聞。西漢盛儀。復覩今日。金壺流十句。

之氣。玉案備千品之差。昔絳羅爲薦。旣延王母。紫蓋

爲壇。允招太一。同斯美號。理致衆星。臣以餘年。豫開

清祀。如陪瑤席。遂飲瓊漿。

余作皇集 卷三 啓

謝賚麋啓

臣昨既陪羽獵。仍宴上林。固謝長卿之文。彌慙子雲之賦。預割鮮禽。已同監浦。頻蒙大饗。更異梁王。詰旦歸來。猶爲飽飫。虞衡所獻。復降命恩。賜細君以爲歡。非屠門而大嚼。

謝賚蛤啓

比鴻雀入。猶新纔變秋程。已聞冬獻。

謝東宮賚蛤蜊啓

船俗嚴戈。漁人資設于彼海童。冒茲水豹。望樓闕之

之氣。得波潮之下。

謝勅賚烏賊啓

變逐庸臣。伏增銘悚。

徐孝穆集卷四

陳鄉徐陵著

明東海屠隆評

書

武皇帝作相時與嶺南酋豪書

合頭便告
地步得告
諭體

夫否終斯泰屯極則亨若日月之廻環猶陰陽之報

復返者數鍾九厄王室中微聖王欽明還承寶運卽

是高祖武皇帝之孫世祖孝皇帝之子重光累聖胤

國承家天下生民孰不歸德賊勃不涯疏戚希纂帝

圖信是奸兇階茲禍亂自王宮再淪於醜逆虜馬四

徐孝穆集

卷四

書

一

徐孝穆集 卷四

飲於江池。社稷貼危。鑿與幽辱。勃身居列岳。自御強
兵。高視越起。坐觀成敗。既而天維重。綴國步。還康翻
畫。凶圖更謀。神鼎且其兵馬之任。資於長昆。方牧之
權。由於承聖。操兄戈而斬姪。藉國寵而弑君。不忠不
義。莫斯爲甚。比春初。便遣大都督歐陽頎。據城王傅
泰等。兇徒數十。遂到臨川。吾奉承朝筭。指畫戎略。樊
滕耿賈。戮力爭馳。天地靈祇。水陸間道。獲傅泰不勞
於一箭。擒歐陽無待於尺兵。僞黨皆俘。連城盡拔。所
收軍資。不可稱筭。去月十六日。德州刺史陳法武等。

願憤迴戈。仍梟兇豎。一夫挺劍。傳首上京。萬里澄清。
人神慶躍。彼豪門著姓。典牧方州。拘隔天朝。丞離寒
暑。公私憤歎。豈可爲懷。今王道平夷。理增懼怵。朱明
戒節。比復何如。軍士平安。境內清謐。吾以庸薄。叨秉
國鈞。恒務牽纏。諸有勞弊。自天數云否。朝禍薦臻。東
夏崩騰。西京蕩覆。身惟許國。任在勤王。宣力皇家。靡
有寧歲。一還京師。保持鴻業。四驅夷狄。奪得江左。始
則杜龕元惡。張彪不恭。據有秦稽。連縱巨震。隨機討
掩。觸向平夷。叛臣任約。徐嗣徽等。屢引齊虜。前年末

既踐京師江畔邊城皆爲戎戍。賴貔貅驍力。衛霍同心。殲厥胡夷。不日清殄。去年將夏。傾國大來。鐵騎八千許匹。甲士二十餘萬。胡塵飛于北闕。虜鼓震于南宮。躬率偏裨。聊與挑戰。虜使土崩瓦解。投險赴坑。大小皆擒。鯨鯢盡戮。三江之上。塞水無流。千里之間。伏鳳相枕。生獲大都督蕭軌。裴英起東方老李布光王敬寶等。虜中驍將。唯此數人。屢破關西之兵。頻取淮右之地。一朝俘斬。無復孑遺。遠邇敬欣。華夷怖懼。如聞彼虜。稍是危亾。尋命熊羆。欲就征討。方可以雷行。

趙魏電掃。幽并混一。車書勢在朝暮。而侯瑱跋扈。江州公私阻絕。卽平北賊。仍事南征。肉袒面縛。歸首闕庭。卽爲申聞。優其禮秩。台儀不貶。位遇兼常。今所擒歐陽頴。傅泰等。莫不弘宥。政爾授其兵馬。處以榮祿。坦然遊狎。無介懷抱。年號武平。國卽清晏。君之聞此。寧不欣躍。但借緣王事。遊踐貴鄉。日想山川。依然舊識。吾旣忝荷朝私。位逾台衮。身持帝王之柄。手握天下之圖。故鄉如此。誠爲衣繡。故人不見。還同宵錦。天涯藐藐。地角悠悠。言面無由。但以情企。今者王猷帝

載化被無垠。浮海窮山。罔不咸格。投竿負鼎。馳步蒼龍。崖穴丘園。爭趨金馬。君之才具。信美登朝。如戀本鄉。不能遊宦。門中子弟。望遣來儀。當爲申問。各處榮祿。深加將保。念嗣音郵。今遣某甲等。使彼指此。不多。陳諱白。

與楊僕射書

夫一言所感。凝暉照於魯陽。一志冥通。飛泉涌于疏勒。况復元首康哉。股肱良哉。隣國相聞。風教相期者。也。天道窮剝。鍾亂本朝。情計馳惶。公私哽懼。而骸骨

此書通源
萬言有端
雲川月之
婆娑嶺帽
峯之秀夷
施鄭旦之

之請。徒淹歲寒。顛沛之禱。空盈卷軸。是所不圖也。非

好足使僑
重則色厲

所仰望也。執事不聞之乎。昔分釐命虜。之世。觀河拜

史沮顏集
中第一篇

洛之年。則有日烏流災。風禽騁暴。天傾西北。地缺東

南。盛早。坼三川。長波含五嶽。我大梁。應金圖。而有亢

蔡玉鏡。而猶屯。何則。聖人不能爲時。斯固窮通之恒

理也。至如荊州刺史。湘東王。機神之本。無寄名。言陶

鑄之餘。猶爲堯舜。雖復六代之舞。陳於總章。九州之

歌。登於司樂。虞夔拊石。晉曠調鐘。未足頌此英聲。無

以宣其盛德者也。若使郊禋。楚翼寧。非祀夏之君。哉。

定艱難。便是匡周之霸。豈徒斷王徒雍。暮月爲都。姚
帝遷河。周年成邑。方今越裳藐藐。馴雉北飛。肅春茫
茫。風牛南偃。吾君之子。含識知歸。而答旨云。何所投
身。斯其未喻。一也。又晉熙等郡。皆入貴朝。去我潯陽。
經塗何幾。至於鏘鏘。曉漏的的。宵烽隔澗。浦而相聞。
臨高臺而可望。泉流寶盃。遙憶益城。峰號香鑪。依然
廬嶽。日者鄱陽嗣王。治兵匯派。屯戍淪波。朝夕牋書。
春秋方物。吾無從以躡屣。彼何路而齊鑣。豈其然乎。
斯不然矣。又近者邵陵王。通和此國。郢中上客。雲聚

寫景凄切

英雄落處
千古遺恨

魏都鄴下名卿。風馳江浦。豈盧龍之徑。於彼新開銅
駝之街。於我長閉。何彼途甚易。非勞於五丁。我路爲
難。如登於九折地。不私載。何其爽歟。而答旨云。還路
無從。斯所未喻。二也。晉熙盧江。義陽安陸。皆云款附。
非復危邦。計彼中途。便當靜晏。自斯以北。桴鼓不鳴。
自此以南。封疆未壹。如其境外。脫殞輕軀。幸非邊吏
之羞。何在匹夫之命。又此賓遊。通無貨殖。忝非韓起
聘鄭。私買玉環。吳札過徐。躬要寶劍。由來宴錫。凡厥
囊裝。行役淹留。皆已虛罄。散有限之微財。供無期之

久客斯可知矣。且據圖刎首。愚者不爲運斧全身。庸
流所鑿。何則。生輕一髮。自重千鈞。不以賈盜明矣。骨
肉不任充鼎俎。皮毛不足入貨財。盜有道焉。吾無憂
矣。又公家遣使。脫有資須。本朝非隆平之時。遊客豈
皇華之勢。輕裝獨宿。非勞聚標之儀。微騎間行。寧望
輜軒之禮。歸人將從。私具驢騾。綠道亭郵。唯希蔬粟。
若日留之無煩於執事。遣之有費於官司。或以頓沛
爲言。或云資裝可懼。固非通論。皆是外篇。斯所未喻。
三也。又若以吾徒應還。侯景。侯景凶逆。殲我國家。天

畏途遙奔
生涯寥落
可矜可憐

下含靈。人懷憤厲。既不獲投身社稷。衛難乘輿。四冢
礫虫。尤千刀刺。王莽安所謂。俛首頓膝。歸奉冠讐。佩
弭腰鞬。爲其阜隸。日者通和。方敦曩睦。凶人徂詐。遂
駭狼心。頗疑宋萬之誅。彌懼荀瑩之請。所以奔蹄勁
角。專恣憑陵。凡我行人。徧膺讐憾。政復蒞。劬醢骨。抽
舌探肝。於彼凶情。猶當未雪。海內之所知也。君侯之
所具焉。又聞本朝王公。都人士女。風行雨散。東播西
流。京邑丘墟。蕞蓬蕭瑟。偃師還望。咸爲草萊。灞陵回
首。俱沾霜露。此又君之所知也。彼以何義。爭免冠讐。

我以何親爭歸委質昔鉅平貴將懸重於陸公叔向
 名流深知於駿箠吾雖不敏常慕前修不圖明庶有
 懷翻其以此量物昔魏氏將以羣凶挺爭諸賢戮力
 想得其朋為葛榮之黨邪為邢果之徒邪如曰不然
 斯所未喻四也假使吾徒還為凶黨侯景生於趙代
 家自幽恒居則台司行為連率山川形勢軍國彙章
 不勞請箸為籌便當屈指能笑景以遁逃小醜羊豕
 同群身寓江臯家噓河朔春春井井如鬼如神其不
 然乎抑又君之所知也且夫宮闈祕事竝若雲霄莫

或暢言以
 達言或隱
 義以蔽田
 危心警露
 哀響聞天

俊訂謀寧非帷幄或陽驚以定策或焚禁而奏書朝
 廷之士猶難參預羈旅之人何階耳目至於禮樂訟

革刑政寬猛則謳歌已遠萬舞成風不知手之舞之

足之蹈之也安在握其牙齒為間諜者哉若謂復命

西朝終奔東虜雖齊梁有隔尉候奚殊豈以河曲之

難浮而曰江關之可濟河橋馬度寧非宋典之茲關

路雞鳴皆曰田文之客何其通蔽乃爾相妨斯所未

喻五也又兵交使在雖著前經儻同狗僕之尤追肆

寒山之怒則凡諸元帥並釋縲囚爰及偏裨同無剪

讀此知菌
閣桃源羈
斂不及貴
不如賤者
虛語哉

馘。乃。至。鍾。儀。見。赦。朋。笑。遵。途。襄。老。蒙。歸。虞。歌。引。路。吾
等。張。廬。拭。玉。修。好。尋。盟。涉。泗。之。與。浮。河。郊。勞。至。於。贈
賄。公。恩。既。被。賓。敬。無。違。今。者。何。憊。翻。蒙。貶。責。若。以。此
爲。言。斯。所。未。喻。六。也。若。曰。妖。氛。永。久。喪。亂。悠。然。哀。我
奔。波。存。其。形。魄。固。已。銘。茲。厚。德。戴。此。洪。恩。譬。渤。解。而
俱。深。方。嵩。華。而。猶。重。但。山。梁。飲。啄。非。有。意。於。籠。樊。江
海。飛。浮。本。無。情。於。鐘。鼓。况。吾。等。營。覓。已。謝。餘。息。空。留
悲。默。爲。生。何。能。支。久。是。則。雖。蒙。養。護。更。天。天。年。若。以
此。爲。言。斯。所。未。喻。七。也。若。云。逆。豎。殲。夷。當。聽。反。命。高

縱赴冥途
不作詩仙
亦爲才鬼

軒。繼。路。飛。蓋。相。隨。未。解。其。言。何。能。善。謔。夫。屯。亨。治。亂
豈。有。意。於。前。期。謝。常。侍。今。年。五。十。有。一。吾。今。年。四。十
有。四。介。已。知。命。儻。又。杖。鄉。計。彼。侯。生。肩。隨。而。已。豈。銀
臺。之。要。彼。未。從。師。金。竈。之。方。吾。知。其。訣。政。恐。南。陽。菊
水。竟。不。延。齡。東。海。桑。田。無。由。可。望。若。以。此。爲。言。斯。所
未。喻。八。也。足。下。清。襟。勝。託。書。園。文。林。凡。自。洪。荒。終。乎
幽。厲。如。吾。今。日。寧。有。其。人。爰。至。春。秋。微。宜。商。略。夫。宗
姬。殄。墜。霸。道。昏。凶。或。執。政。之。多。門。或。陪。臣。之。涼。德。故
臧。孫。有。禮。翻。囚。與。國。之。賓。鄭。伯。無。憊。空。怒。天。王。之。使

遷箕。卿。於。兩。館。繫。驥。于。於。三。年。斯。匪。貪。亂。之。風。邪。寧。
當。今。之。高。例。也。至。於。雙。嶠。且。帝。四。海。爭。雄。或。構。趙。而。
侵。燕。或。連。韓。而。謀。魏。身。求。盟。於。楚。殿。躬。奪。壁。於。秦。庭。
輸。寶。鼎。以。託。齊。王。馳。安。車。而。誘。梁。客。其。外。膏。脣。販。舌。
分。路。揚。鏃。無。罪。無。辜。如。兄。如。弟。逮。乎。中。陽。受。命。天。下。
同。規。巡。省。諸。華。無。聞。幽。辱。及。三。方。之。霸。也。孫。甘。言。以。
媵。媼。曹。屈。詐。以。羈。縻。旃。軫。歲。到。於。句。吳。冠。蓋。年。馳。於。
庸。蜀。則。客。嘲。殊。險。賓。戲。已。深。共。盡。遊。談。誰。云。猜。忤。若。
使。搜。求。故。實。脫。有。前。蹤。恐。是。叔。世。之。姦。謀。而。非。爲。邪。

之。勝。略。也。抑。又。聞。之。雲。師。火。帝。澆。淳。乃。異。其。風。龍。躍。
麟。驚。王。霸。雖。殊。其。道。莫。不。崇。君。親。以。詔。物。敦。敬。養。以。
治。民。預。有。邪。司。曾。無。隆。替。吾。奉。違。溫。清。仍。屬。亂。離。寇。
虜。猖。狂。公。私。播。越。蕭。軒。靡。御。王。筋。誰。持。瞻。望。鄉。關。何。
心。天。地。自。非。生。憑。廩。竹。源。出。空。素。行。路。含。情。猶。其。相。
慰。常。謂。擇。官。而。仕。非。曰。孝。家。擇。事。而。趨。非。云。忠。國。况。
乎。欽。承。有。道。駉。駕。前。王。郎。吏。明。經。鳴。鳶。知。禮。巡。方。省。
化。咸。問。高。年。東。序。西。膠。皆。尊。者。蓋。吾。以。圭。璋。玉。帛。通。
聘。來。朝。屬。世。道。之。屯。期。鍾。生。民。之。否。運。兼。年。累。載。無。

何減堅石
臨刑詩令
伯陳情表

申元直之祈銜泣吞聲長對公閭之怒情禮之訴將
同逆鱗忠孝之言皆應薛舌是所不圖也非所仰望
也且天倫之愛何得忘懷妻子之情誰能無累夫以
清河公主之貴餘姚書佐之家莫限高卑皆被驅略
自東南醜虜抄販饑民臺署郎官俱餓墻壁况吾生
離歿別多歷暄寒孀室嬰兒何可言念如得身還鄉
土躬自推求猶冀提攜俱免凶虐夫四聰不達華陽
君所謂亂臣百姓無冤孫叔敖稱為良相足下高才
重譽叅贊經綸非豹非貉聞詩聞禮而中朝大議曾

造懷指事
無憚犯顏
惟斯昭晰
曉人正當
如是

未矜論清禁嘉謀安能相及諤諤非周舍容容類胡
廣何其無諍臣哉歲月如流平生何幾晨看旅鴈心
赴江淮昏望牽牛情馳揚越朝干悲而掩泣夜萬緒
而迴腸不自知其為生不自知其為死也足下素挺
詞鋒兼長理窟匡丞相解頤之說樂令君清耳之談
向所諮疑誰能曉喻若鄙言為謬來旨必通分請灰
釘甘從斧鑊何但規規默默齧舌低頭而已哉若一
理存焉猶希矜眷何必期令我等必死齊都足趙魏
之黃塵加幽并之片骨遂使東平拱樹長懷向漢之

余學集
卷四
書

悲西洛孤墳。恒表思鄉之夢。千祈以屢。哽慟增深。

與王僧辯書

昔者雲師火帝。非無戰陣之風。堯誓湯征。咸用干戈之道。至於搖山蕩海。驅電乘雷。殲厥兇渠。無虧皇極。若夏鍾夷羿。周厄犬戎。漢委珠囊。秦亾寶鏡。然則皆聞之矣。未有膺龍圖以建國。御鳳邸以承家。二后欽明。三靈交泰。而天崩地坼。妖寇橫行者也。自古銅頭鐵額。典暴皇年。檣杵窮奇。流災中國。王彌石勒。吞噬關河。綠林青犢之群。黑山白馬之衆。校彼兵荒。無聞

前史。八王故事。曾未混淆。九州春秋。非去禍亂。我皇受命中興。光宅天下。泰寧瑣瑣。安敢執鞭。建武栖栖。何其扶轂。抑又聞之。陶唐既作。天歸鳥喙之臣。豐畢將興。特挺鷹揚之佐。明公量苞金鉉。神表玉璫。儷袞欽才。平階佇德。固以畱連管樂。惆悵風雲。濡足維時。投竿斯在。去歲兇徒不聘。言次巴丘。鼓聲聞一柱之臺。烽火照三休之殿。公則懸麾羽扇。猶對投壺。戎羯咸奔。鯨鯢俱剪。樓船萬軸。還繫昆明。胡馬千群。皆輸長樂。於是乎夏首西浮。雲行電邁。彭波東匯。谷靜山

賊壕既平
喜心極倒

空扼鵠尾而據王畿登牛頭而掃天闕漸臺僞帥仍
傳首於帝京郿塢元兇咸剗腸於軍市青羌赤狄同
畀豺狼胡服夷言咸爲京觀公園陵盡拜忠貫長沙
神王咸安勲踰高密重以秦宮旣獲魯殿猶存闕綠
草於應門開青槐於武庫長安五陵之族鄂杜六遷
之民祿負而歸都堰斯滿鬻脂藏脯遊騎擊鐘故市
新城飛甍華屋東筦舊宅人識桑榆南頓荒田家分
禾黍豈以鄉名穀熟邑號禾興而已哉若夫卦起龍
文書因鳥跡劬勞王室大拯生民自開闢以來未之

有也雖十六才子明允篤誠八百諸侯專心同德中
宗佐命俱畫丹青光武功臣皆懸星象棧道木閣田
單之奉霸齊縮壘將兵周勃之扶強漢壤蟲之比黃
鵠轍鮒之仰河宗未足云也孤子階緣多幸叨蓬皇
華鄉國屯危公私焦迫邳彤之切長亂心胸徐庶之
祈終無開允旣而屏居空館多歷歲時釁犯幽祗躬
當勦滅何圖釁咎災極蒼旻號暮煩冤肝腸屠殞酷
痛柰何無狀柰何惟素與梓翻若天涯杖栢栽松悠
然長絕明明日月號叫無聞茫茫宇宙容身何所窮

李賀鬼語
肉土寒生

香色浮動
儼似丘遲

劇奈何。自忝膺嘉聘。仍屬亂離。上下年尊。偏嬰此酷。昔人迎門請盜。恒懷廢寢之憂。當輓輿親。猶有危途之懼。况乎逆寇崩騰。京師播越。興居動止。長隔山河。溫清饘飽。誰經心眼。程糜不繼。原粟何資。瞻望風雲。朝夕嗚咽。固乃遊魂已謝。非復全生。餘息空留。非爲全死。同冰魚之不絕。似蟄燕之猶蘇。良可哀也。良可哀也。自東都紹漢南亳。興殿修好。徵兵彌留。星瑄韓宣。范武方駕。連鑣蘇秦。張儀朱輪。華轂而孤了。三危是擯。四罪同科。聽別馬而長號。杖歸於而永慟。王稽

反命既無。託乘之恩。椒舉相逢。誰爲班荆之位。昔人違齊處魯。時降徵求。亡晉奔秦。猶蒙招請。問管寧於遼左。追王朗於浙東。竝物譽時賢。卿門公族。懸須應務。深挾情祈。斯豈庸賤之儔耶。非餘生之敢望也。但預在輜軒。誠爲過誤。珪璋特達。通聘河陽。貂珥雍容。尋盟漳水。差有黃門啓封。非無青紙詔書。郡將州司。郊迎負弩。鄉亭里候。飾館陳兵。豈是復介而奔齊寧。當竊妻而逃晉已焉哉。羌難得而言也。漢之谷吉。捐軀者幾人。楚之申胥。埋魂者何極。孤子何所歎焉。但

伸縮丘明
可謂左理

頓伏苦廬。徒延光晷。夫以啁噍鷲雀。躑躅鳴號。含識
懷情。未有其痛。且夫曾耕。雨雪猶尚。悲歌蘇使。幽囚
無馳。哽噎。公履忠弘孝。冠冕縉紳。化感煙雲。量標海
岳。行糜仲月。王政無塞。分穀高年。仁風斯遠。固以衣
纓仰訓。黎庶投懷。今日樵惶。彌布洪澤。雖復孤骸。不
返。方爲漠北之塵。營魄知歸。終結江南之草。

徐孝穆集卷四終

第 35106 号

平成 3.11.22

聖和學
園短大
圖書館

928

21

1

